

Արձանագրություն N 4

ՀՀ տարածքային կառավարման և ենթակառուցվածքների նախարարության կարիքների համար «ՏԿԵՆ-ՀԲՄԱՇՁԲ-2024/1Ս» ծածկագրով հրատապ բաց մրցույթ գնման ընթացակարգի գնահատող հանձնաժողովի արտահերթ նիստի

Գնահատող հանձնաժողովի նիստը տեղի ունեցավ

03.04.2024թ.
Ժամը 10:00:

Մասնակցում էին՝

Արամ Խաչատրյան	ՀՀ տարածքային կառավարման և ենթակառուցվածքների նախարարության իրավաբանական վարչության պետ (հանձնաժողովի նախագահ՝ ԳՊ/ԳԱՊ)
Կարապետ Հյուսիսյան	«Ճանապարհային դեպարտամենտ» հիմնադրամի ճանապարհների պահպանման և շահագործման բաժնի ճանապարհների պահպանման և շահագործման տարածքային ինժեներ (հանձնաժողովի անդամ՝ ԳՊ/ԳԱ)
Հրաչյա Բաղդասարյան	«Ճանապարհային դեպարտամենտ» հիմնադրամի ճանապարհների պահպանման և շահագործման բաժնի ճանապարհների պահպանման և շահագործման վերահսկման ինժեներ (հանձնաժողովի անդամ՝ ԳՊ/ԳԱ)
Մովսես Ավագյան	«Ճանապարհային դեպարտամենտ» հիմնադրամի ճանապարհների պահպանման և շահագործման բաժնի ճանապարհների պահպանման և շահագործման տարածքային ինժեներ (հանձնաժողովի անդամ՝ ԳՊ/ԲԱ)
Թադևոս Կիլիսյան	«Ճանապարհային դեպարտամենտ» հիմնադրամի ճանապարհների պահպանման և շահագործման բաժնի ճանապարհների պահպանման և շահագործման տարածքային ինժեներ (հանձնաժողովի անդամ՝ ԳՊ/ԲԱ)
Կարեն Բարսիսյան	ՀՀ տարածքային կառավարման և ենթակառուցվածքների նախարարության գնումների համակարգման և կազմատնտեսական վարչության գնումների համակարգման բաժնի պետ (հանձնաժողովի քարտուղար՝ ԳՊ/ՄՀՄ)

Օրակարգ

«ԵՎՐՈՔՈՒԴ ՊԼՅՈՒՍ» ՍՊԸ-ից ստացված գրության վերաբերյալ ՀՀ ՏԿԵՆ իրավաբանական վարչության կողմից տրամադրված դիրքորոշումն ուսումնասիրելու և գնման ընթացակարգը չկայացած հայտարարելու վերաբերյալ

1 Արտահերթ նիստի ընթացքում գնահատող հանձնաժողովն ուսումնասիրեց «ԵՎՐՈՔՈՒԴ ՊԼՅՈՒՍ» ՍՊԸ-ից 14/03/2024թ ստացված գրության վերաբերյալ ՀՀ ՏԿԵՆ իրավաբանական վարչության կողմից տրամադրված դիրքորոշումը, որը ներկայացվում է ստորև.

«Նորմատիվ իրավական ակտերի մասին օրենքով սահմանվում են իրավական ակտերի միջև հակասությունների դեպքում կոլիզիաների լուծման կանոնները:

Մասնավորապես, նշված օրենքի 40-րդ հոդվածի համաձայն՝ նորմատիվ իրավական ակտերի նորմերի միջև կոլիզիաների դեպքում, ըստ հերթականության, կիրառվում են հետևյալ կանոնները, ընդ որում, յուրաքանչյուր հաջորդ կանոնը կիրառվում է, եթե կիրառելի չէ նախորդ կանոնը՝

- 1) ավելի բարձր իրավաբանական ուժ ունեցող նորմատիվ իրավական ակտի նորմը.
- 2) ընդհանուր նորմի և հատուկ նորմի միջև կոլիզիաների դեպքում գործում է հատուկ նորմը, սակայն եթե նորմատիվ իրավական ակտն ունի ընդհանուր և հատուկ մասեր, ապա այդ մասերի նորմերի միջև կոլիզիայի դեպքում գործում են ընդհանուր մասի նորմերը.
- 3) ավելի ուշ ուժի մեջ մտած նորմատիվ իրավական ակտի նորմերը.
- 4) ֆիզիկական և իրավաբանական անձանց համար բարենպաստ նորմատիվ իրավական ակտի նորմը, եթե այդ նորմի կիրառմամբ չեն շոշափվում այլ անձանց իրավունքները կամ օրինական շահերը:

Սույն պարագայում ՀՀ կառավարության 2010 թվականի նոյեմբերի 4-ի թիվ 1419-Ն որոշմամբ հաստատված «ՀՀ ընդհանուր օգտագործման ավտոմոբիլային ճանապարհների ընթացիկ ամառային և ընթացիկ ձմեռային պահպանման մակարդակների գնահատման ու կատարված աշխատանքների ընդունման կարգը և ՀՀ կառավարության 2017թ. մայիսի 4-ի թիվ 526-Ն որոշմամբ հաստատված «Գնումների գործընթացի կազմակերպման» կարգը հանդիսանում են հավասարազոր ենթաօրենսդրական ակտեր, ուստի Օրենքի 40-րդ հոդվածի 1-ին մասի 1-ին ենթակետը կիրառելի չէ:

Հաջորդ կանոնի՝ Օրենքի 40-րդ հոդվածի 1-ին մասի 2-րդ ենթակետի կիրառման արդյունքում գալիս ենք այն եզրահանգման, որ ՀՀ կառավարության 2010 թվականի նոյեմբերի 4-ի թիվ 1419-Ն որոշմամբ հաստատված «ՀՀ ընդհանուր օգտագործման ավտոմոբիլային ճանապարհների ընթացիկ ամառային և ընթացիկ ձմեռային պահպանման մակարդակների գնահատման ու կատարված աշխատանքների ընդունման կարգը հանդիսանում է հատուկ նորմ և պետք է գործի դրա պահանջները:

Հրավերով վերոնշյալ ձևերի ներկայացման պահանջը սահմանվել է հիմք ընդունելով ՀՀ կառավարության 2010 թվականի նոյեմբերի 4-ի N 1419-Ն որոշմամբ հաստատված «ՀՀ ընդհանուր օգտագործման ավտոմոբիլային ճանապարհների ընթացիկ պահպանման ամառային և ընթացիկ ամառային և ընթացիկ ձմեռային պահպանման մակարդակների գնահատման ու կատարված աշխատանքների մասին» կարգի 50-րդ, 51-րդ և 52-րդ կետերով սահմանված պահանջները, ուստի այդ պահանջների սահմանումը իրավաչափ է:

Միաժամանակ անհրաժեշտ է նշել, որ ՀՀ կառավարության 2010 թվականի նոյեմբերի 4-ի N 1419-Ն որոշմամբ հաստատված Կարգի 52-րդ ենթակետը սահմանում է, որ գնային առաջարկների գնահատումը կատարվում է մրցույթի մասնակիցների կողմից լրացված և ներկայացված Ձև թիվ 11-ի հանրագումարների համեմատությամբ:

Հանձնաժողովի արձանագրված անհամապատասխանությունը տեղ է գտել գնային առաջարկի ինքնարժեքի հաշվարկում, և որի շտկման հնարավորություն տալը ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 40-րդ կետի 4-րդ ենթակետի համատեքստում խնդրահարույց է:

Հիմք ընդունելով վերոգրյալ՝ գտնում ենք, որ Հանձնաժողովի կողմից հրավիրված նիստում անհրաժեշտ է քննարկել «Եվրոբուդ Պլյուս» ՍՊԸ-ի կողմից 14.03.2024թ.-ին ներկայացված գրությամբ բարձրացված հարցերը «Նորմատիվ իրավական ակտերի մասին» օրենքի տրամաբանության շրջանակներում»:

Տեղի ութնեցած կարծիքների փոխանակման արդյունքում գնահատող հանձնաժողովը որոշեց.

- «ՏԿԵՆ-ՀԲՄԱՇՁԲ-2024/1Ս» ծածկագրով գնման ընթացակարգի գնահատող հանձնաժողովի 01.03.2024թ. նիստի արձանագրության 3.1, 4 և 5 կետերով գնահատող հանձնաժողովի կողմից կայացված և արձանագրված որոշումները չեղյալ համարել:

- Հիմք ընդունելով ՀՀ կառավարության 2017թ. մայիսի 4-ի N 526-Ն որոշմամբ հաստատված գնումների գործընթացի կազմակերպման կարգի 40-րդ կետի 4-րդ ենթակետի պահանջները, «ՍՊԱՆԴԱՐՅԱՆ ԱՍՖԱԼՏ» ՍՊԸ և «ԵՎՐՈԲՈՒԴ ՊԼՅՈՒՍ» ՍՊԸ կողմից ներկայացված հայտերը գնահատել անբավարար և մերժել:

- Հաստատել գնման ընթացակարգը չկայացաց հայտարարելու մասին հայտարարության տեքստը:

- «Գնումների մասին» ՀՀ օրենքի 10-րդ հոդվածի 3-րդ մասի համաձայն՝ անգործության ժամկետ սահմանել 10 օրացուցային օր:

Ընդունվել է որոշում՝ կողմ - 5, դեմ - 0

2. Նիստին ներկա հանձնաժողովի անդամների անունները, ազգանունները և ստորագրությունները

Հանձնաժողովի նախագահ՝

Ա. Խաչատրյան




Հանձնաժողովի անդամներ՝

Կ. Հյուսիսյան

Հ. Բաղդասարյան

Մ. Ավագյան

Թ. Կիլիչյան



Հանձնաժողովի քարտուղար՝

Կ. Բաբախանյան

